

Cynnwys

Fformat amgen y Cytundeb Atodol hwn	2
Cyflwyniad	2
Cwmpas	3
Dogfennaeth Gysylltiedig	4
Prif delerau'r Cytundeb Atodol	4
1 Safonau Proffesiynol a Gweithdrefnau Addaswydd i Ymarfer.....	4
2 Cyfnodau Ymarfer Dysgu	6
3 Terfynu Cyflogaeth a/neu Nawdd	8
4 Terfynu Cofrestrriad.....	9
5 Eich Astudiaethau	10
6 Rhannu gwybodaeth a Diogelu Data	11
7 Rhoi'r gorau i'ch astudiaethau neu eu gohirio	13
8 Crynodeb o newidiadau sylweddol	14
Geirfa	15
Eglurhad pellach o'r Cytundeb Atodol hwn.....	17
Adborth.....	19
Atodiad A.....	20

Rhif y fersiwn: 1.0	Cymeradwywyd gan: Cynrychiolydd y Cyfarwyddwr,
Yn weithredol o: 1 Awst 2023	Dyddiad adolygu: Mawrth 2024

Fformat amgen y Cytundeb Atodol hwn

Os bydd angen y ddogfen hon arnoch mewn fformat amgen, cysylltwch â'r Tîm Cymorth Myfyrwyr drwy <http://www.open.ac.uk/contact/> (rhif ffôn +44 (0)300 303 5303), neu eich Tîm Cymorth Myfyrwyr dynodedig neu Dîm Cymorth ac Ymrestru ar Brentisiaeth drwy [StudentHome](#) os ydych yn fyfyrwr gyda'r Brifysgol Agored neu'n Brentis Nyrsio ar hyn o bryd.

A Welsh language version of this policy is available.

Bydd fersiwn Gymraeg o'r polisi hwn ar gael hefyd.

Cyflwyniad

Mae'r Cytundeb Atodol hwn yn nodi'r telerau ychwanegol y cytunwyd arnynt â'r Brifysgol Agored ar gyfer astudio tuag at gymhwyster Nyrsio Cyn cofrestru. Cytundeb Atodol ydyw fel y cyfeirir ato yn yr [Amodau Cofrestru](#) a'r [Amodau Cofrestru \(Prentisiaid\)](#), a dylid ei ddarllen ar y cyd â'r Amodau hynny a'r rheolau, rheoliadau a pholisïau a nodir ynddynt. Drwy gofrestru ar gyfer cymhwyster Nyrsio, rydych yn cytuno ar y telerau hyn. Caiff [Geirfa](#) ei chynnwys i esbonio unrhyw dermau a all fod yn anghyfarwydd i chi.

Mae'r Cytundeb Atodol hwn yn weithredol o'r dyddiad y gwnaethoch gofrestru ar gyfer eich cymhwyster Nyrsio, a bydd yn parhau i fod yn gymwys tan eich bod wedi cwblhau eich cymhwyster, neu tan y bydd eich cofrestrriad wedi dod i ben neu wedi cael ei ganslo, pa un bynnag sy'n digwydd gyntaf.

I gael canllawiau penodol ar y ffordd y gall y cytundeb hwn fod yn berthnasol i'ch amgylchiadau personol, cysylltwch â'ch [Tîm Cymorth Myfyrwyr](#) neu [Dîm Cymorth ac Ymrestru ar Brentisiaeth](#), neu dîm cyfatebol.

Gellir diweddarau'r Cytundeb Atodol hwn drwy gydol y flwyddyn er mwyn cywiro gwallau, gwella eglurder neu hygyrchedd, neu fyfyrion ar newidiadau i ofynion cyfreithiol neu reoliadol. Os bydd y diwygiadau hyn yn digwydd ar ôl i chi gofrestru, byddwch yn cael gwybod am unrhyw newidiadau sylweddol i'r ddogfen hon drwy e-bost.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

Cwmpas

Yr hyn y mae'r ddogfen hon yn ei gwmpasu

Mae'r Cytundeb Atodol hwn yn gymwys i Fyfywrwr neu Brentisiaid sydd wedi cael eu derbyn ar raglen Nyrsio Cyn Cofrestru'r Brifysgol Agored.

Yr hyn nad yw'r ddogfen hon yn ei gwmpasu

Nid yw'r Cytundeb Atodol hwn yn gymwys i Fyfywrwr/Prentisiaid nad ydynt wedi cael eu derbyn eto ar raglen Nyrsio Cyn Cofrestru'r Brifysgol Agored, myfywrwr sy'n astudio modiwlau a allai gyfrannu at gymhwyster y tu hwnt i'r rhaglen Nyrsio, na Myfywrwr/Prentisiaid sy'n astudio cymwysterau neu raglenni dysgu seiliedig ar waith eraill, megis gwaith cymdeithasol.

Nid yw'n gymwys i Fyfywrwr/Prentisiaid sy'n astudio fersiynau o fodiwlau a/neu gymwysterau nad ydynt yn rhai nyrsio.

Prentisiaethau

Os ydych yn astudio prentisiaeth, nid yw rhai rhannau o'r ddogfen hon yn berthnasol i chi. Caiff y rhain eu hegluro ym mhob adran berthnasol. Os oes gennych unrhyw gwestiynau, cysylltwch â'r [Tîm Cymorth ac Ymrestru ar Brentisiaeth](#).

Cytundebau Atodol a ddisodlir gan y ddogfen hon

Mae'r ddogfen hon yn disodli'r fersiwn flaenorol o [Gytundeb Atodol Amodau Cofrestru \(Nyrsio\) 2022/23 \(Saesneg yn unig\)](#). Gellir canfod crynodeb o newidiadau sylweddol o fersiwn flaenorol y ddogfen hon yn [Adran 8](#).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

Dogfennaeth Gysylltiedig

Cyfeiriwch at y ddogfen hon ar y cyd â'r canlynol:

- [Amodau Cofrestru \(Saesneg yn unig\)](#) neu [Amodau Cofrestru ar gyfer Prentisiaid \(Saesneg yn unig\)](#) fel y bo'n berthnasol i'ch cymhwyster
- [Rheolau Ffioedd \(Cyrsiau Gradd\) \(Saesneg yn unig\)](#)
- [Polisi Addasrwydd i Astudio](#)
- [Gweithdrefn Addasrwydd i Ymarfer \(Saesneg yn unig\)](#)
- [Y Cyngor Nyrsio a Bydwreigiaeth \(NMC\) - Y Cod; Safonau ymarfer proffesiynol ac ymddygiad ar gyfer Nyrsys, Bydwragedd a Chymdeithion Nyrsio](#)
- Rheoliadau cymhwyster-benodol ar gyfer eich cymhwyster Nyrsio
- [Hysbysiad Preifatrwydd Myfyrwyr \(Saesneg yn unig\)](#)

Prif delerau'r Cytundeb Atodol

1 Safonau Proffesiynol a Gweithdrefnau Addasrwydd i Ymarfer

- 1.1 Er mwyn astudio cymhwyster Nyrsio gyda'r Brifysgol Agored, mae gofynion ychwanegol i ddatgelu cyfyngiadau ac amodau cyfreithiol yn unol â [Chanllawiau'r Ganolfan Reoli Genedlaethol ar iechyd a chymeriad](#). Bydd yn ofynnol i chi gael cliriad manylach y Gwasanaeth Datgelu a Gwahardd (yng Nghymru a Lloegr), gwiriad Disclosure Scotland (yn yr Alban) neu wiriad Access NI (yng Ngogledd Iwerddon). Bydd Y Brifysgol Agored yn rhoi gwybod i chi am y wybodaeth y bydd yn ofynnol i chi ei datgelu os yn briodol, cyn cofrestru ar eich cymhwyster Nyrsio. I gael rhagor o wybodaeth, cysylltwch â'ch [Tîm Cymorth Myfyrwyr](#) neu [Dîm Cymorth ac Ymrestru ar Brentisiaeth](#).
- 1.2 Drwy ymrwmo i'r Cytundeb Atodol hwn, rydych yn cydnabod yn benodol eich bod yn deall ac yn cytuno i ymrwmo i'r safonau proffesiynol a bennwyd gan yr Awdurdod Rheoleiddio yn y Cod sy'n gymwys i fyfyrwyr Nyrsio. Mae hyn yn golygu'r canlynol:
 - a) Os mynegir pryder nad ydych yn cyflawni nac yn cynnal y safonau hyn ar lefel sy'n briodol ar gyfer cam eich astudiaethau ar gyfer y cymhwyster Nyrsio, efallai y cewch eich cyfeirio o dan [Weithdrefn Addasrwydd i Ymarfer](#) Y Brifysgol Agored.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

Gall hyn arwain at y canlynol o ran eich astudiaethau tuag at un o'r cymhwysterau yn y rhaglen Nyrsio:

- gosod amodau arnoch i barhau i astudio ar gyfer y cymhwyster (ac felly eich cyflogaeth, os ydych yn Brentis Nyrsio);
- eich atal rhag astudio ar gyfer y cymhwyster;
- terfynu cofrestrriad tuag at y cymhwyster;
- peidio â dyfarnu'r cymhwyster.

b) Rydych yn cytuno i hysbysu'r Brifysgol Agored cyn gynted â phosibl am unrhyw fater a all beri pryder ynglŷn â'ch gallu i gyrraedd safonau proffesiynol yr Awdurdod Rheoleiddio. Dylech gysylltu â'ch Tiwtor Ymarfer neu lle y gall hyn achosi oedi, â'r Tiwtor Staff yn eich ardal. Bydd y Cyswllt Cyflogi yn eich sefydliad, neu [eich Tîm Cymorth Myfyrwyr](#) (Myfyrwyr ar Raglenni Nyrsio) neu [Dîm Cymorth ac Ymrestru ar Brentisiaeth](#) (Dysgwyr ar raglenni prentisiaeth) yn gallu darparu manylion cyswllt fel y bo angen.

- 1.3 Er mwyn bod yn gymwys ar gyfer dyfarniad cymhwyster Nyrsio, rhaid eich bod, ym marn y Brifysgol Agored, yn bodloni'n foddhaol y gofynion academaidd a'r gofynion safonau proffesiynol. Mae'n rhaid i chi gwblhau'r holl fodiwlau angenrheidiol yn llwyddiannus fel y'u nodir yn y Rheoliadau Cymhwyster sy'n benodol i'ch cymhwyster er mwyn cael y dyfarniad.
- 1.4 Os na fyddwch wedi cyrraedd y safonau proffesiynol gofynnol oherwydd materion a gododd cyn i chi gofrestru â'r Rheoleiddiwr, gall datganiad i'r Rheoleiddiwr am eich iechyd a'ch cymeriad da gael ei gadw'n ôl ar argymhelliad panel Addasrwydd i Ymarfer. Gall hyn ddigwydd hyd yn oed os byddwch wedi ennill digon o gredyd modiwl i fodloni gofynion academaidd ac ymarfer dysgu'r cymhwyster Nyrsio. Byddai hyn yn golygu na allech gofrestru, ac felly ymarfer, fel nyrs er bod y cymhwyster wedi'i ddyfarnu.
- 1.5 Gall y rhaglen gynnwys y gofyniad i chi ymgymryd ag ymgynghoriadau o bell. Os felly, bydd gweithdrefnau [Addasrwydd i Ymarfer](#) Y Brifysgol Agored yn berthnasol, a bydd y gweithdrefnau hyn yn delio ag unrhyw achos o dorri'r safonau proffesiynol perthnasol.
- 1.6 Os yw eich cymhwyster Nyrsio wedi'i ddyfarnu a daw unrhyw faterion a gododd cyn ei ddyfarnu i'r amlwg a bod y Panel Addasrwydd i Ymarfer o'r farn y dylent fod wedi cael eu datgan ac y byddai hynny wedi arwain at atal y cymhwyster Nyrsio,

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

caiff y mater ei atgyfeirio at Bwyllgor Disgyblu Canolog y Brifysgol Agored sydd â'r pŵer i dynnu'r cymhwyster Nyrsio yn ôl.

- 1.7 Os na chaiff y cymhwyster Nyrsio ei ddyfarnu o ganlyniad i gamau gweithredu panel Addasrwydd i Ymarfer neu'r Pwyllgor Disgyblu Canolog, mae'n bosibl y cewch gynnig cymhwyster arall Y Brifysgol Agored lle'r ydych wedi cyrraedd y gofynion o ran credydau ac yn amodol ar beidio â bod yn destun cosbau disgyblu.
- 1.8 Ni fydd cael cynnig lle ar y cymhwyster gan Y Brifysgol Agored na chwblhau'r cymhwyster yn llwyddiannus yn sicrhau y cewch eich cynnwys ar gofrestr broffesiynol yr NMC. Mae'r NMC yn cadw'r hawl i benderfynu a gewch ymuno â'r gofrestr broffesiynol ar y pwynt cofrestru (gweler y [Canllawiau ar Iechyd a Chymeriad \(Saesneg yn unig\)](#), NMC 2019). Cyfeiriwch at ganllawiau'r NMC am y wybodaeth fwyaf diweddar am y gofynion i gofrestru â'r NMC.
- 1.9 Bydd angen i chi fod wedi diwallu'r holl ofynion addysgol a phriodweddau personol a nodwyd i gael mynediad i'r cymhwyster a ddewiswyd gennych. Rhaid cwblhau holl ofynion y rhaglen cyn i'r cymhwyster gael ei ddyfarnu.
- 1.10 Bydd angen i chi gael Cliriad Iechyd Galwedigaethol boddhaol a chydymffurfio ag unrhyw ofynion iechyd ar gyfer eich galwedigaeth: gall hyn gynnwys cael imiwneiddiadau, er enghraifft brechlynnau Hepatitis B neu COVID-19.

2 Cyfnodau Ymarfer Dysgu

- 2.1 Pan fyddwch yn cofrestru ar gyfer cymhwyster Nyrsio gyda'r Brifysgol Agored, rydych yn cytuno i wneud y canlynol:
 - a) Cydweithredu â'ch Cyflogwr (Prentisiaid), Noddwr Dysgu neu Ddarparwr Lleoliad er mwyn hwyluso eich cyfranogiad mewn Cyfnodau Ymarfer Dysgu priodol i'ch galluogi i gyflawni deilliannau dysgu'r Radd Nyrsio.
 - b) Cydweithredu â'ch Cyflogwr (Prentisiaid), Noddwr Dysgu neu Ddarparwr Lleoliad a bodloni unrhyw ofynion rhesymol i gynnal enw da'r Ddarparwr Lleoliad a'r Brifysgol Agored a chydymffurfio â'u rhwymedigaethau cyfreithiol a safonau gwasanaeth mewn cysylltiad â'ch rhan yn y Cyfleoedd Ymarfer Dysgu a ddarperir.
 - c) Cydymffurfio â pholisïau ac arferion cyflogi'r Cyflogwr (Prentisiaid), Noddwr Dysgu a/neu'r Ddarparwr Lleoliad a chymryd pob cam rhesymol i gynnal eich cyflogaeth ac unrhyw Gyfleoedd Ymarfer Dysgu a ddarperir er mwyn cwblhau'r cymhwyster

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

Nyrsio. Noder: mae cyflogaeth barhaus yn ofynnol er mwyn parhau i astudio'r cymhwyster Nyrsio drwy'r llwybr rhaglen.

2.2 Wrth gyflawni ymarfer dysgu, mae'n ofynnol i chi gydweithredu â'r Asesydd Ymarfer/ Goruchwyliwr Ymarfer a neilltuir i chi gan eich Darparwr Lleoliad ymarfer. Bydd eich Asesydd Ymarfer/ Goruchwyliwr Ymarfer yn gwneud y canlynol:

- a) cynnal arsylwadau ac ymarfer wedi'i oruchwylio, gan gynnig adborth rheolaidd i chi drwy gydol y Cyfnod Ymarfer Dysgu;
- b) cyflawni unrhyw gyfrifoldebau asesu sy'n ofynnol gan y Rhaglen Nyrsio Cyn Cofrestru; ac yn
- c) cymryd rhan yn y gwaith o gynllunio, monitro ac adolygu cyfarfodydd gyda chi a'ch Tiwtor Ymarfer.

2.3 Os byddwch yn torri Adrannau 2.1 a 2.2, ac nad yw, ym marn eich Cyflogwr (Prentisiaid), Noddwr Dysgu a/neu Diwtor Staff Y Brifysgol Agored, yn rhesymol ymarferol i chi gwblhau Cyfnod Ymarfer Dysgu, yna nid yw'n ofynnol i'ch Cyflogwr (Prentisiaid), Noddwr Dysgu, Darparwr Lleoliad na'r Brifysgol Agored roi cyfle pellach i chi fodloni'r gofynion ymarfer dysgu ar gyfer y modiwl hwnnw. O dan yr amgylchiadau hyn tybir eich bod wedi methu'r modiwl a gall eich astudiaethau gael eu hatal yn unol â'r [Weithdrefn Addasrwydd i Ymarfer](#).

2.4 Myfyrwyr sy'n astudio cymhwyster Nyrsio (nad ydynt yn rhan o raglen brentisiaeth)

2.4.1 Os na fydd y Noddwr Dysgu yn rhoi digon o amser i chi gwblhau Cyfnodau Ymarfer Dysgu fel y nodir yn y deunyddiau modiwl, bydd Y Brifysgol Agored yn ceisio ymestyn eich cyfnod astudio er mwyn galluogi'r Noddwr Dysgu i ddarparu cyfleoedd ymarfer dysgu digonol. Y Noddwr Dysgu neu, lle y bo'n gymwys, y Noddwr Ariannol fydd yn atebol am unrhyw gostau ychwanegol yr eir iddynt o ganlyniad i'r fath estyniad, neu am roi cyngor a chymorth i chi ddod o hyd i Noddwr Dysgu a/neu Gyfnodau Ymarfer Dysgu amgen.

2.5 Dysgwyr sy'n dilyn rhaglen brentisiaeth

2.5.1 Fel Prentis, mae'n ofynnol i'ch cyflogwr roi oriau 'y tu allan i'r swydd' wedi'u cynllunio i chi. Dylai'r rhain fod yn oriau â thâl er mwyn astudio. Cytunwyd ar hyd eich prentisiaeth a'r oriau wedi'u cynllunio ar ddechrau'r rhaglen ac mae'n cynnwys y Cyfnodau Ymarfer Dysgu.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

3 Terfynu Cyflogaeth a/neu Nawdd

3.1 Myfyrwyr sy'n astudio cymhwyster Nyrsio (nad ydynt yn rhan o raglen brentisiaeth)

- 3.1.1 Bydd rhwymedigaethau eich Noddwr Dysgu, fel y'u nodir yn y Cytundeb hwn, yn dod i ben os byddwch yn gadael eich cyflogaeth. Er mwyn parhau i fod wedi eich cofrestru ar gyfer y cymhwyster Nyrsio byddwch yn gyfrifol am ddod o hyd i Noddwr Dysgu amgen addas er mwyn cwblhau unrhyw ymarfer dysgu pellach sydd ei angen a chwblhau'r cymhwyster Nyrsio o fewn y terfyn amser penodedig.
- 3.1.2 Os ydych yn cael cymorth ariannol tuag at gost eich ffioedd dysgu ac y caiff ei dynnu'n ôl am unrhyw reswm, rhaid i chi sicrhau eich bod yn parhau i fodloni eich rhwymedigaethau o ran ffioedd. Gall hyn gynnwys cael nawdd ariannol newydd neu ddefnyddio benthyciadau myfyriwr. Os na fyddwch yn dod o hyd i ffordd o dalu eich ffioedd dysgu, ni chewch ddilyn y rhaglen mwyach.
- 3.1.3 Rhaid i chi hysbysu'r Brifysgol Agored cyn gynted â phosibl am unrhyw newid posibl i'ch cyflogaeth a all effeithio ar eich perthynas barhaus â'ch Noddwr Dysgu a / neu eich Noddwr Ariannol er mwyn galluogi ystyriaeth o drefniadau amgen.
- 3.1.4 Os bydd eich Noddwr Dysgu a'ch Noddwr Ariannol yn sefydliadau gwahanol a'ch bod yn gadael eich cyflogaeth wedyn, gyda chytundeb eich Noddwr Ariannol, cewch chwilio am gyflogaeth addas gyda chyflogwr amgen a fydd yn cytuno i weithredu fel eich Noddwr Dysgu. Bydd hyn yn eich galluogi i barhau â'ch cymhwyster Nyrsio ar yr amod bod y cyflogwr newydd yn gallu darparu'r profiadau ymarfer dysgu priodol ac Aseswyr Ymarfer/Goruchwylwyr Ymarfer i fodloni gofynion y cymhwyster. Rhaid i chi gysylltu â'ch [Tîm Cymorth i Fyfyrrwyr](#) i drafod addasrwydd y newid arfaethedig.
- 3.1.5 Os caiff cytundeb cydweithredu'r Brifysgol Agored â'ch Noddwr Dysgu ei derfynu, bydd Y Brifysgol Agored yn cymryd camau rhesymol i'ch galluogi i orffen y rhaglen, gan gynnwys cwblhau pob modiwl angenrheidiol a chyflawni'r holl Gyfnodau Ymarfer Dysgu sydd eu hangen.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

3.2 Dysgwyr sy'n dilyn rhaglen brentisiaeth

- 3.2.1 Os caiff eich cyflogaeth ei therfynu am unrhyw reswm yn ystod eich prentisiaeth, cysylltwch â'ch Tiwtor Ymarfer neu [Dîm Cymorth ac Ymrestru ar Brentisiaeth](#) cyn gynted â phosibl oherwydd bydd hyn yn effeithio ar eich gallu i barhau â'ch rhaglen ddysgu.

4 Terfynu Cofrestriad

- 4.1 Gall Y Brifysgol Agored ganslo eich cofrestriad ar gyfer y cymhwyster Nyrsio o dan yr amgylchiadau a nodir yn yr [Amodau Cofrestru](#) neu [-neu Amodau Cofrestru \(Prentisiaid\)](#) fel y bo'n briodol i'ch cymhwyster. Yn ogystal, gall y Brifysgol Agored ganslo eich cofrestriad os na fyddwch yn gwneud y canlynol:

- a) parhau mewn cyflogaeth.
- b) cyflawni ymarfer dysgu gyda'ch Noddwr Dysgu neu Ddarparwr Lleoliad cytûn.
- c) cynnal safonau'r Awdurdod Rheoleiddio o ran eich iechyd, cymhwysedd a safonau ymddygiad.

- 4.2 Os byddwch yn methu modiwl (gan gynnwys methu unrhyw arholiad ailsefyll neu ailgyflwyno), caiff eich Cyflogwr (Prentisiaid), Noddwr Ariannol (lle y bo'n gymwys) a/neu eich Noddwr Dysgu benderfynu a yw'n parhau i'ch cefnogi ar y rhaglen Nyrsio.

Os ydych yn Brentis dylech gysylltu â'ch [Tîm Cymorth ac Ymrestru ar Brentisiaeth](#) neu unigolyn cyfatebol am ragor o wybodaeth i weld a gewch gefnogaeth i barhau.

Dylai myfyrwyr sy'n astudio cymhwyster Nyrsio y tu hwnt i raglen brentisiaeth gyfeirio at y meini prawf a amlinellir yn y [Rheolau Ffioedd](#) er mwyn penderfynu a ddylech chi neu eich Noddwr Ariannol dalu ffioedd is i ailastudio modiwl rydych wedi ei fethu.

4.3 Myfyrwyr sy'n astudio cymhwyster Nyrsio y tu hwnt i raglen brentisiaeth

- 4.3.1 Os bydd eich Noddwr Ariannol neu Noddwr Dysgu yn rhoi'r gorau i'ch cefnogi, bydd Y Brifysgol Agored yn canslo eich cofrestriad ar gyfer y cymhwyster Nyrsio. Bydd eich cofrestriad yn aildechrau os byddwch, cyn dyddiad dechrau cyflwyno'r modiwl nesaf, wedi cael gafael ar Noddwr Ariannol amgen (neu yn Lloegr yn unig, wedi gwneud trefniadau amgen addas i dalu ffioedd dysgu) a/neu Noddwr Dysgu.
- 4.3.2 Os caiff cymorth ei dynnu'n ôl, gallwch astudio modiwlau academiaidd nad ydynt yn benodol i'r rhaglen Nyrsio ar eich cam astudio presennol,

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

ar yr amod eich bod yn gallu cyflawni deilliannau dysgu'r modiwl hwnnw. Fodd bynnag, bydd angen i chi ddod o hyd i Noddwr Ariannol neu Ddysgu newydd i barhau â'r rhaglen Nyrsio ar ddyddiad dechrau'r modiwl nesaf.

- 4.3.3 Os caiff eich contract â'ch Noddwr Dysgu ei derfynu, rhaid i chi ddod o hyd i Noddwr Dysgu newydd er mwyn cwblhau modiwlau sy'n cynnwys y Cyfnodau Ymarfer Dysgu gofynnol ar gyfer y cam ar y Radd Nyrsio rydych yn ei astudio. Os na fyddwch yn gwneud hyn o fewn 2 flynedd i'ch Cyfnod Ymarfer Dysgu diwethaf, cewch eich dadgofrestru o'r Radd Nyrsio. Mewn amgylchiadau o'r fath gallwch gadw eich credyd a dychwelyd i astudio'n hwyrach os byddwch yn gymwys i wneud hynny, yn ddarostyngedig i'r rheolau a'r rheoliadau sydd ar waith pan fyddwch yn cofrestru wedyn.

5 Eich Astudiaethau

- 5.1 Rhaid i chi gwblhau eich cymhwyster Nyrsio o fewn y cyfnod penodedig a nodir yn y Rheoliadau Cymhwyster sydd ar gael ar [StudentHome](#)), oni chewch estyniad yn ôl disgrisiwn y Bwrdd Astudiaethau Iechyd, Llesiant a Gofal Cymdeithasol. Os ydych yn astudio prentisiaeth, rhaid i unrhyw gais am estyniad gael ei wneud gyda chytundeb eich Cyflogwr a'r Brifysgol Agored a rhaid iddo gydymffurfio â'r rheolau a nodir gan eich Darparwr Cyllido a'r rheoleiddiwr.

Gellir ystyried ceisiadau am estyniad os nad ydych wedi gallu astudio am resymau y tu hwnt i'ch rheolaeth ([gweler Atodiad A](#)) Dyma amgylchiadau eraill lle gellir rhoi estyniad:

- a) os ydych wedi cael eich gwahardd dros dro o dan y [Weithdrefn Addasrwydd i Ymarfer](#) a'ch bod wedi cael eich adfer ar ôl hynny;
- b) os byddwch yn colli eich swydd er nad chi oedd ar fai, ac nad ydych yn gallu dod o hyd i swydd arall ar unwaith (myfyrwyr sy'n astudio am gymhwyster Nyrsio y tu hwnt i brentisiaeth yn unig).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

- 5.2 Os am unrhyw reswm, na allwch gwblhau'r Cyfnodau Ymarfer Dysgu ar gyfer modiwl, pan fyddwch yn dychwelyd i astudio, bydd yn ofynnol i chi gwblhau o leiaf y Cyfnod Ymarfer Dysgu olaf ar gyfer y Cam ar y cymhwyster Nyrsio roeddech wedi'i gyrraedd cyn y tarfwyd ar eich astudiaethau. Gallwch ofyn am i oriau ymarfer rydych wedi eu cwblhau yn ystod y modiwl gael eu cario ymlaen o'r Cyfnodau Ymarfer Dysgu hynny rydych wedi eu cwblhau'n llawn.
- 5.3 Os byddwch yn astudio cymhwyster Nyrsio y tu hwnt i raglen brentisiaeth, rhaid i chi astudio bob yn ail flwyddyn o leiaf, neu gymryd seibiant astudio wedi'i gymeradwyo fel y nodir ym [Mholisi a Gweithdrefn Newid eich Cynlluniau Astudio \(Saesneg yn unig\)](#), neu byddwch yn cael eich dadgofrestru o'ch cymhwyster Nyrsio.
- 5.4 Cewch ddechrau modiwl ar gam nesaf y cymhwyster Nyrsio cyn i chi gwblhau modiwl a chael y canlyniadau ar gam cynharach. Dan yr amgylchiadau hynny, rhaid eich bod wedi cwblhau'r modiwl a chael y canlyniadau ar y modiwl cynharach o fewn 12 wythnos i ddechrau'r modiwl ar y modiwl cam nesaf. Os nad yw hyn yn bosibl neu os nad ydych yn llwyddo, ni fyddwch yn gallu dechrau'r modiwl, na pharhau i fod wedi eich cofrestru, ar y modiwl cam nesaf. Bydd unrhyw oblygiadau ariannol yn cael eu trafod gyda chi.

6 Rhannu gwybodaeth a Diogelu Data

- 6.1 Gweler Hysbysiad Preifatrwydd Myfyrwyr [Y Brifysgol Agored](#) i gael gwybodaeth lawn am y ffordd y mae'r Brifysgol Agored yn casglu ac yn defnyddio data. Rhai pwyntiau ychwanegol sy'n ymwneud â'r Cytundeb Atodol hwn. Drwy ymrwymo i'r Cytundeb Atodol hwn:
- Gall Y Brifysgol Agored rannu (neu bydd yn rhannu ar gyfer Prentisiaid) gwybodaeth am eich perfformiad academaidd a'r safonau proffesiynol sy'n ymwneud â'ch astudiaeth ar gyfer cymhwyster Nyrsio â'ch Cyflogwr (Prentisiaid), eich Noddwr Dysgu, Noddwr Ariannol ac unrhyw Ddarparwr Lleoliad. Gall gwybodaeth am faterion yn ymwneud â'ch ymddygiad gael ei rhannu lle gallant effeithio ar eich addasrwydd proffesiynol neu'ch addasrwydd i ymarfer a'ch cyfranogiad parhaus mewn unrhyw amgylchedd ymarfer dysgu.
 - Bydd Y Brifysgol Agored yn rhoi gwybod i'ch cyflogwr yng Ngham 2 y [Polisi Addasrwydd i Astudio](#) os yw hyn yn gymwys i chi. Cyfeiriwch at y [Polisi Addasrwydd i Astudio](#) am ragor o fanylion.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

- c) Gall Y Brifysgol Agored ystyried unrhyw bryder a godir drwy ein [Gweithdrefn Addasrwydd i Ymarfer](#). Gall hyn arwain at osod amodau ar eich cofrestrriad parhaus ar y rhaglen, eich gwahardd dros dro neu eich dadgofrestru o'r rhaglen neu eich diarddel o'r Brifysgol Agored.
- ch) Gall gwybodaeth am eich iechyd ac unrhyw anabledd sydd wedi'i ddatgan gael ei rhannu â Darparwyr Lleoliad yn unol â rhwymedigaethau cyfreithiol er mwyn darparu addasiadau rhesymol i gydymffurfio â rhwymedigaethau dan Ddeddf Cydraddoldeb 2010 yng Nghymru, Lloegr a'r Alban; Rheoliadau Deddf Gwahaniaethu ar Sail Anabledd 1995 (Diwygio) (Gogledd Iwerddon) 2004; neu unrhyw ddyletswydd neu rwymedigaeth statudol arall. Hefyd, gall data gael eu rhannu fel nad ydych chi nac aelodau o'r cyhoedd mewn perygl wrth i chi gyflawni lleoliad.
- d) Bydd Y Brifysgol Agored yn cadw unrhyw wybodaeth a rennir yn ddiogel ac yn prosesu data yn unol â'r [Hysbysiad Preifatrwydd Myfyrwyr](#). Bydd eich Cyflogwr (Prentisiaid), Noddwr Dysgu, Noddwr Ariannol ac unrhyw Ddarparwr Lleoliad yn storio ac yn prosesu gwybodaeth yn unol â'u Hysbysiadau Preifatrwydd.
- dd) Gall eich Cyflogwr (Prentisiaid), Noddwr Ariannol (Ile y bo'n gymwys), Noddwr Dysgu neu unrhyw Ddarparwr Lleoliad hysbysu'r Brifysgol Agored am unrhyw fater a all godi pryderon am eich gallu i gyrraedd safonau proffesiynol yr Awdurdod Rheoleiddio.
- Gall Y Brifysgol Agored, eich Cyflogwr (Prentisiaid), eich Noddwr Dysgu, eich Noddwr Ariannol (Ile y bo'n gymwys) ac unrhyw Ddarparwr Lleoliad rannu gwybodaeth a thystiolaeth am faterion yn ymwneud â'ch ymddygiad a allai effeithio ar eich addasrwydd proffesiynol, addasrwydd i ymarfer, cyflogaeth barhaus neu eich cyfranogiad mewn Cyfnod Ymarfer Dysgu. Mae gan eich Noddwr Dysgu, fel eich cyflogwr, yr hawl i ddelio â materion sy'n ymwneud â chyflogaeth o dan ei weithdrefnau ei hun, yn annibynnol ar ein [Gweithdrefn Addasrwydd i Ymarfer](#). Fodd bynnag, gall hon hefyd gael ei defnyddio mewn perthynas â'r materion hynny.
- e) Hefyd, efallai y bydd gan Y Brifysgol Agored rwymedigaeth gyfreithiol i ddarparu gwybodaeth benodol i'r Awdurdod Rheoleiddio.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

- f) Bydd Y Brifysgol Agored, lle y bo'n ofynnol, yn hysbysu'r Awdurdod Rheoleiddio am unrhyw fater sy'n ymwneud ag addasrwydd neu addasrwydd i ymarfer yr ymchwiliad iddo yn ogystal â chanlyniad unrhyw ymchwiliad. Fodd bynnag, ni fydd Y Brifysgol Agored yn rhannu gwybodaeth am ymchwiliad i addasrwydd i ymarfer â Noddwr Ariannol (lle y bo'n gymwys), Noddwr Dysgu na Darparwr Lleoliad os ystyrir nad yw'r mater yr ymchwiliad iddo yn peri risg ddybryd o dan yr amgylchiadau, na risg i ddefnyddwyr y gwasanaeth na chleifion.
- 6.2 Pan gwblheir eich cymhwyster Nyrsio, bydd Y Brifysgol Agored, os oes angen ac yn amodol ar gadarnhad parhaus o iechyd a chymeriad da, yn darparu unrhyw adroddiad neu eirida sydd ei angen ar yr Awdurdod Rheoleiddio fel amod dechrau nyrsio.
- 6.3 Lle na chaiff cymhwyster Nyrsio ei ddyfarnu pan gwblheir y gofynion academaidd, bydd Y Brifysgol Agored yn darparu unrhyw adroddiad, geirida neu wybodaeth berthnasol sydd ei angen ar yr Awdurdod Rheoleiddio ac yn unol â'i gyfarwyddyd o ran y mater hwnnw. Gall hyn gynnwys ei drosglwyddo'n uniongyrchol i gyflenwr trydydd parti a ddefnyddir gan yr Awdurdod Rheoleiddio.

7 Rhoi'r gorau i'ch astudiaethau neu eu gohirio

Noder: nid yw'r adran hon yn gymwys i Ddysgwyr sy'n astudio rhaglen brentisiaeth a ddylai yn hytrach gyfeirio at Adran G5 "Changing your study plans for exceptional or personal reasons" o'r [Rheoliadau Academaidd \(Prentisiaid\) \(Saesneg yn unig\)](#).

- 7.1 Os ydych yn bwriadu gohirio modiwl neu roi'r gorau iddo cyn ei gwblhau, dylech drafod hyn â'ch Tiwtor Staff. Os byddwch wedi gohirio modiwl, bydd eich Tiwtor Staff, yn ei dro, yn cysylltu â'ch Noddwr Ariannol a/neu Noddwr Dysgu, a all fod yn atebol am unrhyw ffioedd ychwanegol pan fyddwch yn aildechrau astudio'r modiwl.
- 7.2 Bydd Y Brifysgol Agored yn gweinyddu unrhyw Gredyd neu Ad-daliadau o ran Ffioedd sy'n ddyledus yn unol â'r [Rheolau Ffioedd](#) oni fyddwch wedi ymrwymo i gytundeb penodol â ni a'ch Noddwr Ariannol i unrhyw gredyd neu ad-daliadau o ran ffioedd gael eu gwneud yn uniongyrchol i'r Noddwr Ariannol.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

8 Crynodeb o newidiadau sylweddol

Bu sawl newid sylweddol ers fersiwn flaenorol y ddogfen hon. Sef:

- a) Ailsaernio'r ddogfen yn gyffredinol er mwyn gwella ei defnyddioldeb. Er enghraifft, mae'r adran Fformat Amgen wedi symud i ben uchaf y ddogfen ac mae'r Crynodeb o newidiadau sylweddol wedi symud i ddiwedd y ddogfen.
- b) Mae'r manylion cyswllt ar gyfer y Tîm Cymorth Myfyrwyr a'r Tîm Cymorth ac Ymrestru ar Brentisiaeth wedi'u diweddarau yn yr Adran Eglurhad Pellach ac mae hyperddolenni iddynt drwy'r ddogfen.
- c) Tynnu cyfeiriadau at Hysbysiad Preifatrwydd Nyrsio gan eu bod bellach yn cael eu cynnwys yn yr Hysbysiad Preifatrwydd Myfyrwyr.
- ch) Tynnu paragraffau safonol sy'n ymwneud â Gwerthoedd y Siarter Myfyrwyr, Ymrwymiad i Gydraddoldeb, Amrywiaeth a Chynhwysiant yn Y Brifysgol Agored a Rhoi Gwybod Mewn Lle Diogel allan, gan fod y rhain wedi'u cynnwys yn y ddogfen Amodau Cofrestru.
- d) Mae'r adran 1 flaenorol 'Crynodeb o brif delerau'r cytundeb atodol' wedi'i thynnu allan yn sgil ailadrodd a meithder.
- dd) Yng nghymal 2.5.1, mae'r term '20% o oriau y tu allan i'r swydd' wedi'u diweddarau i oriau 'y tu allan i'r swydd'.
- e) Mae'r holl waith rhifo adrannau wedi'i ddiweddarau yn sgil tynnu'r adran 1 flaenorol allan ('Crynodeb o brif delerau'r cytundeb atodol').
- f) Mae Cymal 5.4 wedi'i ddiwygio i adlewyrchu'r ffaith y bydd goblygiadau ariannol peidio â gallu parhau i astudio'r modiwl yn cael eu trafod â'r Myfyriwr neu'r Dysgwr.
- g) Ychwanegu cymal 6.1b) sy'n ymwneud ag Addasrwydd i Astudio, sy'n cadarnhau y byddwn yn rhoi gwybod i gyflogwr Myfyriwr neu Ddysgwr ar Gam 2 y Polisi Addasrwydd i Astudio.
- ng) Ychwanegu adran Adborth ar ddiwedd y ddogfen.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

Rhestr termau

Tîm Cymorth ac Ymrestru ar Brentisiaeth (TCYB)

Mae'r Tîm Cymorth ac Ymrestru ar Brentisiaeth (TCYB) yn rhoi cymorth i brentisiaid drwy daith eu Prentisiaeth. Mae tîm y Brifysgol Agored o Uwch-gynghorwyr yn cynnig cyngor a chymorth ar gyfer ystod o ymholiadau sydd gan brentisiaid o bosibl wrth astudio'u modiwlau, gan gynnwys cyngor ar aseiniad neu arholiad sydd ar ddod, llywio o gwmpas llwyfannau dysgu ar-lein y Brifysgol Agored, neu wrth brofi amgylchiadau anodd sy'n cael effaith ar eu hastudiaethau. Gall TCYB estyn allan at ystod eang o dimau cymorth yn Y Brifysgol Agored i helpu i gefnogi ein prentisiaid.

Prentis /Dysgwr

Dysgwr 16 oed neu drosodd, sydd mewn cyflogaeth â thâl drwy gydol ei brentisiaeth ac sydd â lle mewn Cytundeb Prentisiaeth gyda'i gyflogwr. Bydd y Prentis yn cyfuno ei waith ag astudio am gymhwyster seiliedig ar waith, academaidd neu gyfunol. Bydd yn Brentis yn Lloegr sydd wedi'i gofrestru ar gyfer cymhwyster israddedig.

Y Cod

Mae hyn yn cynnwys y safonau proffesiynol ymarfer ac ymddygiad ar gyfer Nyrsys, Bydwragedd ac Aelodau Cyswllt Nyrsio (gan gynnwys myfyrwyr), fel y'u cyhoeddwyd gan yr Awdurdod Rheoleiddio.

Cyswllt Cyflogi

Yr unigolyn a enwebwyd gan Noddwr Dysgu i ddarparu cyswllt gweithredol parhaus â'r Brifysgol Agored o ran cyflwyno'r cymwysterau Nyrsio Cyn Cofrestru a gwmpesir gan y Cytundeb Atodol hwn.

Noddwr Ariannol

Y sefydliad neu'r endid sy'n rhoi cymorth ariannol i chi, yn llawn neu'n rhannol, ar gyfer eich ffioedd dysgu a / neu gymorth ariannol arall sy'n gysylltiedig â'ch astudiaeth lle na chaiff ei ddarparu'n uniongyrchol gan eich Cyflogwr neu drwy fenthyciad ffioedd dysgu (Lloegr yn unig).

Noddwr Dysgu

Eich cyflogwr a'r sefydliad y mae gennych gontract cyflogaeth parhaol ag ef ac sy'n gyfrifol am gefnogi eich rhyddhau i gyflawni ymarfer dysgu ychwanegol a, lle y bo'n gymwys, amser astudio cytûn o fewn oriau gwaith; gall eich Noddwr Dysgu fod yn wahanol i'ch 'Noddwr Ariannol'.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

Cymhwyster Nyrsio

Y Graddau Cyn Cofrestru, Graddau Sylfaen, a Phrentisiaethau Gradd a gynigir gan Y Brifysgol Agored.

Darparwr Lleoliad

Y sefydliad sy'n darparu mynediad i amgylchedd ymarfer dysgu at ddibenion addysg nyrsio. Gall gynnwys eich Noddwr Dysgu ac unrhyw ddarparwyr lleoliadau ymarfer trydydd parti fel sy'n ofynnol i gyflawni cymwyseddau a deilliannau'r cymhwyster Nyrsio.

Aseswr Arfer

Y person sy'n asesu ac yn cadarnhau bod y myfyriwr wedi cyflawni ymarfer dysgu ar gyfer lleoliad neu gyfres o leoliadau.

Cyfleoedd Ymarfer Dysgu

Y profiadau dysgu a datblygu penodol sydd eu hangen o fewn y Cyfnod Ymarfer Dysgu er mwyn meithrin digon o wybodaeth seiliedig ar waith i gwblhau'r rhaglen nyrsio.

Cyfnod Ymarfer Dysgu

Cyfnod neu gyfnodau dysgu, lle cewch eich adnabod yn swyddogol fel Myfyriwr Nyrsio ychwanegol ac na chewch eich cynnwys ar restr ddyletswyddau'r gweithlu, a all ddigwydd yn eich man gwaith neu gyda thrydydd parti.

Goruchwyliwr Ymarfer

Y person sy'n cefnogi ac yn goruchwyllo Myfyrywr/Prentisiaid Nyrsio a Bydwreigiaeth yn yr amgylchedd ymarfer dysgu. Rhaid i'r holl Fyfyrywr/Prentisiaid gael eu goruchwyllo wrth ddysgu mewn amgylcheddau ymarfer.

Tiwtor Ymarfer

Yr unigolyn a benodir gan Y Brifysgol Agored i ddarparu cymorth, arweiniad a sicrwydd ansawdd o ran ymarfer dysgu myfyriwr ac asesiad yr Aseswyr Ymarfer/Goruchwyliwr Ymarfer o gymhwysedd y myfyriwr drwy gydol y cymhwyster Nyrsio.

Rhaglen Nyrsio Cyn Cofrestru

Y term cyffredinol ar gyfer y llwybrau y mae Myfyrywr/Prentisiaid yn eu hastudio er mwyn cymhwyso fel Nyrs neu Gydymaith Nyrsio wrth astudio Gradd Nyrsio, Gradd Sylfaen, neu Brentisiaeth Gradd gyda'r Brifysgol Agored.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

Awdurdod Rheoleiddio

Y Cyngor Nyrsio a Bydwreigiaeth (NMC).

Tiwtor Staff

Yr unigolyn neu'r unigolion a benodir gan Y Brifysgol Agored i oruchwylio'r gwaith o gyflwyno'r cymwysterau Nyrsio ar lefel leol, gan gynnwys bod yn rheolwyr llinell Darlithwyr Cyswllt a Thiworiaid Ymarfer a chynnal cysylltiadau â'r Noddwr Dysgu, drwy'r Cyswllt Cyflogi fel arfer.

Tîm Cymorth Myfyrwyr

Mae Tîmau Cymorth Myfyrwyr yn cynnwys academyddion profiadol, cynghorwyr addysgol a staff eraill gydag arbenigedd penodol i bwnc ac maen nhw yno i helpu myfyrwyr os oes ganddynt unrhyw gwestiynau am unrhyw agwedd ar eu hastudiaethau.

Ni/Ein

Mae hyn yn cyfeirio at Y Brifysgol Agored.

Eglurhad pellach o'r Cytundeb Atodol hwn

Anfonwch unrhyw wybodaeth neu ohebiaeth arall atom yn electronig er mwyn i ni allu ymateb i chi cyn gynted â phosibl. Gallwch hefyd gysylltu â ni dros y ffôn neu drwy'r post. Er mwyn gwirio'r cyfeiriadau post diweddaraf a manylion cyswllt eraill, neu i gael yr amseroedd ymateb diweddaraf ar gyfer derbyn ac anfon gohebiaeth drwy'r post atom, edrychwch ar [swyddfeydd y Brifysgol Agored](#).

I gael rhagor o wybodaeth am gofrestru, ymrestru a ffioedd neu i newid neu ganslo eich astudiaethau, cysylltwch â:

Tîm Cymorth Myfyrwyr Iechyd, Llesiant a Gofal Cymdeithasol

The Open University

PO Box 197

Milton Keynes

MK7 6BJ

<https://www.open.ac.uk/contact>

E-bost: hsc-support@open.ac.uk

Ffôn +44 0 303 5303

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

Tîm Cymorth ac Ymrestru ar Brentisiaeth

The Open University

PO Box 197

Milton Keynes

MK7 6BJ

<https://www.open.ac.uk/contact>

E-bost apprentice-support@open.ac.uk

Ffôn +44 0 303 4121

Y Brifysgol Agored yng Nghymru

Os ydych yn preswyllo yng Nghymru, gallwch siarad â chynghorydd cymorth myfyrwyr yn Gymraeg neu'n Saesneg.

18 Heol y Tollty

Cardiff

CF10 1AP

Ffôn +44 (0)29 2047 1170

E-bost wales-support@open.ac.uk

I siaradwyr Cymraeg

Os ydych yn siarad Cymraeg a byddai'n well gennych drafod eich anghenion drwy gyfrwng y Gymraeg, cysylltwch â'r Brifysgol Agored yng Nghymru yng Nghaerdydd os gwelwch yn dda

ffôn 44 (0) 29 2047 neu e-bost wales-support@open.ac.uk

Y Brifysgol Agored yn yr Alban

10 Drumsheugh Gardens

Edinburgh

EH3 7QJ

Ffôn +44 0 131 226

E-bost: scotland@open.ac.uk

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

Y Brifysgol Agored yn Iwerddon (Gogledd Iwerddon a Gweriniaeth Iwerddon)

110 Victoria Street
Belfast
Gogledd Iwerddon
BT1 3GN
Ffôn +44 0 28 9032

E-bost northernireland@open.ac.uk neu ireland@open.ac.uk

I fyfyrwyr newydd ac o'r tu allan i'r DU (ac eithrio Gweriniaeth Iwerddon)

Ffôn +44 300 303 0266

www.openuniversity.edu

Neu anfonwch e-bost atom o'n gwefan www.open.ac.uk/contact

Adborth

Croesawir sylwadau ac adborth am y polisi hwn a sut y gellid ei gwella. Cyflwynwch y rhain i SPR-Policy-Team@open.ac.uk.

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau
Yn weithredol o: 1 Awst 2023	Dyddiad adolygu: Mawrth 2024

Atodiad A

Tabl : 1 Amgylchiadau lle y gellir ystyried rhoi estyniad i fyfyrwyr gwblhau eu cymhwyster.

Maen prawf	Amodau a nodiadau	Engbreiffiau o fathau o dystiolaeth gefnogol sydd ei hangen
1. Marwolaeth aelod agos o'r teulu, partner neu ddibynnydd.	Diffinnir aelod agos o'r teulu fel rhywun roeddech yn dibynnu arno (yn emosiynol neu'n ariannol) neu a oedd yn ddibynnol arnoch chi.	Copi caled neu hysbysiad e-bost ac yna dystiolaeth ddogfennol. Copi ardystiedig o dystysgrif marwolaeth (gellir gwneud eithriad os bu'r farwolaeth o fewn chwe wythnos cyn gwneud cais).
2. Analluogrwydd annisgwyl estynedig ar eich rhan chi neu ar ran aelod agos o'r teulu oherwydd salwch difrifol, damwain neu gyflwr meddygol.	Os oeddech yn ymwybodol o'r problemau meddygol cyn dyddiad dechrau'r modiwl, mae'n rhaid bod y cyflwr wedi gwaethygu neu ddirywio ers hynny, h.y. ni ellid bod wedi rhagweld ar ddechrau'r modiwl y byddai'r salwch neu'r cyflwr wedi cael effaith andwyol ar eich astudiaethau.	Copi caled neu hysbysiad e-bost ac yna dystiolaeth ddogfennol. Tystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa. (Mae'n rhaid i gyfnod y salwch gael effaith ar bryd y tynnir yn ôl).

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2023	Dyddiad adolygu: Mawrth 2024

<p>3. Anabledd</p>	<p>Mae'r addasiadau rhesymol a wnaed gan y Brifysgol er mwyn cydymffurfio â rhwymedigaethau dan Ddeddf Cydraddoldeb 2010 yng Nghymru, Lloegr a'r Alban; Deddf Gwahaniaethu ar Sail Anabledd 1995 ar gyfer Gogledd Iwerddon; neu unrhyw ddyletswydd neu rwymedigaeth statudol arall, heb eich galluogi i astudio'n effeithiol; neu</p> <p>Mae effaith anabledd ar eich astudiaethau wedi bod yn fwy difrifol na'r disgwyl; neu</p> <p>Mae eich anabledd(au) wedi cael effaith gynyddol ar eich astudiaethau ers dyddiad dechrau'r modiwl.</p>	<p>Tystysgrif, llythyr neu ddatganiad meddygol gan feddyg teulu, meddyg ymgynghorol, cynorthwydd anfeddygol neu berson neu sefydliad cymorth yn cadarnhau'r sefyllfa.</p> <p>Tystiolaeth ategol o gofnodion y Brifysgol e.e. tiwtor, Tîm Cymorth Myfyrwyr neu Dîm Cymorth ac Ymrestru ar Brentisiaeth.</p>
<p>4. Analluogrwydd annisgwyl estynedig ar eich rhan chi oherwydd beichiogrwydd neu famolaeth/tadolaeth neu fenthyg croth.</p>	<p>Os oeddech yn ymwybodol o'r beichiogrwydd cyn dyddiad dechrau'r modiwl, mae'n rhaid bod effaith y beichiogrwydd neu famolaeth/tadolaeth neu fenthyg croth ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.</p>	<p>Copi caled neu hysbysiad e-bost ac yna dystiolaeth ddogfennol.</p> <p>Tystysgrif, llythyr neu ddatganiad meddygol gan weithiwr ieuchyd proffesiynol, e.e. meddyg teulu, meddyg ymgynghorol neu fydwaig yn cadarnhau'r sefyllfa.</p>
<p>5. Analluogrwydd annisgwyl estynedig ar eich rhan chi oherwydd mabwysiadu.</p>	<p>Os oeddech yn ymwybodol o'r mabwysiadu cyn dyddiad dechrau'r modiwl, mae'n rhaid bod effaith y broses fabwysiadu neu gyfrifoldebau gofalggar ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.</p>	<p>Tystiolaeth ategol e.e. adroddiad gan y gwasanaethau cymdeithasol, asiantaeth mabwysiadu neu dystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa.</p>

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2023	Dyddiad adolygu: Mawrth 2024

<p>6. Analluogrwydd annisgwyl estynedig ar eich rhan chi oherwydd ailbennu rhywedd.</p>	<p>Os oeddech wedi bod drwy'r broses o ailbennu rhywedd cyn dyddiad dechrau'r modiwl neu os oeddech yn ymwybodol erbyn hynny o'r trefniadau i wneud hynny ar ôl y dyddiad hwnnw, mae'n rhaid bod yr effaith ar eich astudiaethau yn fwy na'r hyn y gellid bod wedi'i ddisgwyl yn rhesymol.</p>	<p>Copi caled neu hysbysiad e-bost ac yna dystiolaeth ddogfennol.</p> <p>Tystysgrif, llythyr neu ddatganiad meddygol gan feddyg teulu neu feddyg ymgynghorol yn cadarnhau'r sefyllfa.</p>
<p>7. Newid annisgwyl mewn amgylchiadau cyflogaeth sy'n golygu nad yw'n rhesymol bosibl i chi barhau i astudio oherwydd natur eithafol y gwaith, cyfathrebu gwael neu ddiffyg cyfleusterau astudio.</p>	<p>Oni fydd aelod o luoedd arfog Prydan yn cael ei leoli rhywle, ni chaiff amgylchiadau a all godi fel rhan o fywyd gwaith arferol megis newid swydd, symud, llwyth gwaith cynyddol neu ofynion teithio rhesymol eu hystyried.</p>	<p>Hysbysiad ar ffurf copi caled neu e-bost, a ddilynir gan dystiolaeth ddogfennol, e.e. llythyr neu e-bost gan eich cyflogwr neu bennaeth milwrol.</p>
<p>8. Camweinyddu ar ran y Brifysgol.</p>	<p>Camau gweithredu neu ddiffyg camau gweithredu y gellid eu hystyried yn gamweinyddu ar ran y Brifysgol ac sydd wedi effeithio ar eich cynnydd academiaidd. Nid yw hyn yn cynnwys amgylchiadau sydd y tu hwnt i reolaeth y Brifysgol.</p>	<p>Unrhyw dystiolaeth berthnasol i gefnogi eich cais e.e. cofnod o gyswllt myfyrwr.</p>
<p>9. Amgylchiadau eithriadol eraill difrifol y tu hwnt i'ch rheolaeth.</p>	<p>Amgylchiadau y tu hwnt i'ch rheolaeth a wnaeth leihau'n sylweddol yr amser a oedd ar gael i chi astudio dros gyfnod parhaus.</p>	<p>Tystiolaeth ategol e.e. adroddiad gan y gwasanaethau brys, gwasanaethau cymdeithasol, yr heddlu neu gwnselydd neu ddogfennaeth yswiriant y cartref.</p>

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academiaidd
Yn weithredol o: 1 Awst 2023	Dyddiad adolygu: Mawrth 2024

10. Newid annisgwyl mewn cyfrifoldebau gofalu.	Os oedd eich cyfrifoldebau gofalu ar waith cyn dyddiad dechrau'r modiwl, mae'n rhaid bod yr effaith ar eich astudiaethau wedi bod yn fwy na'r hyn y gellid bod wedi'i ddisgwyl yn rhesymol.	Hysbysiad ar ffurf copi caled neu e-bost, a ddilynir gan dystiolaeth ddogfennol, e.e. llythyr neu ddatganiad meddygol gan feddyg teulu, meddyg ymgynghorol, cynorthwydd anfeddygol neu berson neu sefydliad cymorth yn cadarnhau'r sefyllfa.
--	---	--

Rhif y fersiwn: 1.0	Cymeradwywyd gan: Cynrychiolydd y Cyfarwyddwr, Gwasanaethau Academaidd
Yn weithredol o: 1 Awst 2023	Dyddiad adolygu: Mawrth 2024